




Fana na familia yake wanaishi katika mji wa Debre Birhan nchini Ethiopia. Fana ni mwanafunzi wa darasa la tatu. Ana roho nzuri na mwenye hekima.




Fana anawapenda wanyama. Ana paka mmoja, kuku wawili, mbuzi na njiwa. Anakuwa nao kwa muda mrefu akiwalisha na kucheza nao.



Siku moja, Fana na wenzake walikuwa wakicheza uwanjani shuleni. Fana aliwaona watoto wakiwarushia njiwa mawe.

Alijiuliza, “Mbona wanawaumiza njiwa?”



Aliacha kucheza akakimbia
kuelekea mahali watoto
wale walikokuwa.

Mwanzoni, wenzake
hawakuelewa kilichokuwa
kikitendeka. Walimfuata.
Fana aliwakemea wale
watoto, "Acheni kurusha
mawe."



Wale watoto watukutu walitoroka.

Fana aliwashika njiwa waliojeruhiwa. Aliona majeraha kwenye mbawa zao. Aliamua kuwapeleka nyumbani kuwalinda.



Fana aliwalisha njiwa. Jioni aliisimulia familia yake alichokiona na kufanya siku ile na jinsi alivyowaokoa njiwa.



Asubuhi, Fana na wazazi wake welienda katika kliniki kupata dawa za kuwaponya njiwa.

Baada ya siku chache, njiwa walipona majeraha yao. Fana alifurahi sana.



Kila mara, Fana aliwaambia marafiki zake,
“Ninawapenda wanyama.
Wanyama wana manufaa kwetu na ni marafiki zetu.
Lazima tuwalinde na kuwahifadhi.”